



Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Secvndæ Secvndæ Partis Volumen Tertium

Thomas <von Aquin, Heiliger>

Romae, 1619

Vtru[m] ambitio sit peccatum? 1

urn:nbn:de:hbz:466:1-38803

QVÆST. CXXX. ART. II.

huiusmodi quām habeat. Alio modo, secundum genitum rei: puta, cūm aliquis ex hoc estimat sē magnum & magnis dignum ex quo non est: puta, propter diuitias, vel propter aliqua bona fortunæ. Ut enim Philosophus dicit in quarto * Ethicorum, qui fine ^{c. 3. circa} ^{med. to. 5} virtute talia bona habent, neque iuste magnis seipso significant, neque recte magnanimi dicuntur. Similiter etiam illud ad quod aliquis tendit supra virces suas, quandoque quidem secundum rei veritatem est magnum simpliciter: sicut pater de Petro, qui tendebat ad hoc quod pro Christo pateretur, quod erat supra virtutem suam. Quandoque vero non est aliquid magnum simpliciter, sed solum secundum stultorum opinionem; sicut pretiosis vestibus indui, despicer, & iniuriari alijs. Quod quidem pertinet ad excessum magnanimitatis: non secundum rei veritatem, sed secundum opinionem. Vnde Seneca dicit in lib. * de quatuor virtutibus, quod magnanimitas si se extra modum suum extollat, faciet virum minacem, inflatum, turbidum, inquietum, & in quascunque excellentias dictorum factorumque neglecta honestate festinum. Et sic patet quod presumptuosus secundum rei veritatem quandoque deficit a magnanimo: sed secundum apparentiam in excessu se habet.

QVÆST. CXXXI.

De ambitione, in duos articulos
divisa.

D EINDE considerandum est de ambitione.

¶ Et circa hoc queruntur duo.

¶ Primo, vtrum ambitio sit peccatum?

¶ Secundo, vtrum opponatur magnanimitati per excessum?

ARTIC. I.

Vtrum ambitio sit peccatum?

A D primum sic proceditur. Videtur, quod ambitione non sit peccatum. Importat enim ambitio cupiditatem honoris. Honor autem de se quoddam bonum

653

in cap. de
moderan
da forti-
tudine.

num est , & maximum inter exteriora bona . Vnde & illi qui de honore non curant , vituperantur . Ergo ambitio non est peccatum , sed magis aliquid laudabile , secundum quod bonum laudabiliter appetitur .

¶ 2 Præterea , Quilibet absque vito potest appetere illud , quod sibi debetur pro præmio . Sed honor est præmium virtutis , ut Philosophus dicit in primo , li. 4 c. 3. & octauo * Ethicorum . Ergo ambitio honoris non est peccatum .

¶ 3 Præterea , Illud per quod homo prouocatur ad bonum , & reuocatur a malo , non est peccatum . Sed per honorem homines prouocantur ad bona facienda & mala vitanda . sicut Philoponus dicit in 3. * Ethicorum , quod fortissimi videntur esse , apud quos timidi sunt inhonorati , fortes autem honorati . Et Tullius * dicit in libro de Tuscul. quæstionibus , quod honor alit artes . Ergo ambitio non est peccatum .

SED contra est ; quod dicitur primæ ad Corinth. 13. quod charitas non est ambitiosa , non querit quæ sua sunt . Nihil autem repugnat charitati , nisi peccatum . Ergo ambitio est peccatum .

RESPONDEO dicendum , quod sicut supra dictum est * , honor importat quamdam reverentiam alicui exhibitam in testimonium excellentiæ eius . Circa excellentiam autem hominis duo sunt attendenda . Primo quidem , quod illud secundum quod homo excellit , non habet homo à seipso , sed est quasi quiddam diuinum in eo . Ecce ideo ex hoc non debetur sibi principaliter honor , sed Deo . Secundo , considerandum est quod illud , in quo homo excellit , datur homini à Deo , ut ex eo alijs profit . Vnde in tantum debet homini placere testimonium suæ excellentiæ , quod ab alijs exhibetur , in quantum ex hoc paratur sibi via ad hoc quod alijs profit . Tripliciter autem appetitum honoris contingit esse inordinatum . Vno modo , per hoc quod aliquis appetit testimonium de excellentiæ quam non habet , quod est appetere honorem supradicam proportionem . Alio modo , per hoc quod hono-

ROM

rem sibi cupit, non referendo in Deum. Tercio, per hoc quod appetitus eius in ipso honore quiescit, non referens honorem ad utilitatem aliorum. Ambitio autem importat inordinatum appetitum honoris. Vnde manifestum est quod ambitio semper est peccatum.

Ad primum ergo dicendum, quod appetitus boni debet regulari secundum rationem: cuius regulam si transcedat, erit vitiosus. Et hoc modo vitiosum est, quod aliquis honorem appetat non secundum ordinem rationis. Vituperant autem qui non curant de honore, secundum quod ratio dicitur: ut scilicet non vitent ea quae sunt contraria honori.

Ad secundum dicendum, quod honor non est præmium virtutis, quoad ipsum virtuosum, ut scilicet hoc pro præmio experire debeat: sed pro præmio exceptit beatitudinem, qua est finis virtutis. Dicitur autem esse præmium virtutis ex parte aliorum, qui non habent aliquid maius quod virtuoso retribuant, quam honorem: qui ex hoc ipso magnitudinem habet, quod perhibet testimonium virtuti. Vnde patet quod non est sufficiens præmium: ut dicitur in 4. Ethic.

Ad tertium dicendum, quod sicut per appetitum honoris quando debito modo appetitur, aliqui prouocantur ad bonum & reuocantur a malo: ita etiam si inordinatè appetatur, potest esse homini occasio multa mala faciendi: dum scilicet aliquis non curat qualitercumque honorem consequi possit. Vnde Salust.^{*} dicit in Catilinario, quod gloriam & honorem & imperium bonus & ignavus aequi sibi exoptat. Sed ille, scilicet bonus, vera via virtutis; huic, scilicet ignavo, quia bonae artes desunt, dolis atque fallacijs contendit. Et tamen illi qui solum propter honorem, vel bona faciunt, vel mala vitant, non sunt virtuosi: ut patet per Philosophum in 3. Ethic. ^{*vbi dicit}, quod non sunt vere fortis, qui propter honorem fortia faciunt.

lib. 4. c. 3.
ante me.
to. 5.

In coniunctione
Gatil. nō
remotè a
princ. in
ca euus
initiom,
urbē Ro-
manū, à
medio.
*li. 3. c. 8.
tomo 5.

ARTIC.